



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

**Luxemburgi, 1740**

IX. Confirmatio Statutorum & Decretorum pro Congregatione Hispaniæ  
Fratrum Discalceatorum Ordinis Sanctissimæ Trinitatis Redemptionis  
Captivorum, in Capitulo & Diffinitorio Generalibus dictæ ...

---

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)



facultas absolvendi in certis tunc expressis casibus ita Romano Pontifici pro tempore existenti reservatur, ut nec etiam similes vel dissimiles Indulgentiarum & Facultatum hujusmodi concessionem, nisi de illis expressa mentio, aut specialis derogatio fiat, cuiquam suffragari queant; necnon Regula nostra de non concedendis Indulgentiis ad instar, ac quorumcumque Ordinum & Congregationum sive Institutorum Regularium, etiam juramento, confirmatione Apostolica vel quavis firmitate alia roboratis statutis, & consuetudinibus, privilegiis quoque, Indultis & literis Apostolicis eisdem Ordinibus, Congregationibus & Institutis illorumque personis, quomodolibet concessis, approbatis & innovatis. Quibus omnibus & singulis, etiam si de illis eorumque totis tenoribus specialis, specifica, expressa & individua, non autem per clausulas generales idem importantes, mentio seu quavis alia expressio habenda, aut aliqua alia exquisita forma ad hoc servanda foret, illorum tenores presentibus pro sufficienter expressis, ac formam in eis traditam pro servata habentes, hac vice specialiter nominatim & expresse ad effectum pramissorum derogamus, ceterisque contrariis quibuscumque.

§. 10. Ut autem presentes nostrae, quae ad singula loca deferri non possunt, ad omnium notitiam facilius deveniant, volumus, ut eandem presentium transumptis vel exemplis, etiam impressis, manu alicujus Notarii publici subscriptis, & sigillo Personae in Dignitate Ecclesiastica constitutae munitis, ubique locorum & gentium eadem prorsus fides habeatur, quae haberetur ipsis presentibus, si forent exhibitae vel ostensae.

Datum Romae apud Sanctam Mariam Majorem sub Annulo Piscatoris die 9. Septembris 1730. Pontificatus Nostri anno Primo.

F. Card. Oliverius.

Transumptorum fides.

IX. Confirmatio Statutorum & Decretorum pro Congregatione Hispaniae Fratrum Discalceatorum Ordinis Sanctissimae Trinitatis Redemptionis Captivorum, in Capitulo & Diffinitorio Generalibus dictae Congregationis factorum.

*Alia non absimilia Statuta pro regimine Provinciarum hujusce Congregationis, ac praecipue pro Congregatione Sancti Joachimi Polon. Confirmavit Benedictus XIII. Constit. Militantis Ecclesiae &c. num. CLIII. Constit. vero Exponi Nobis &c. num. CLXXI. Capitulo ac Diffinitorio Generalibus facultatem concessit Decreta & Statuta condendi pro regimine omnium Provinciarum suae Congregationis; quae hic a Sanctissimo Domino Nostro confirmantur.*

CLEMENS PAPA XII.

Ad futuram rei memoriam.

Pastoralis officii, quod auctore Deo gerimus, sollicitudo Nos urget, ut paternam Christifidelium Altissimi obsequiis sub arctioris vitae regularis Instituto mancipatorum curam peculiari charitate gerentes ea, quae pro felici prosperoque illorum regimine & gubernio provide constituta esse noscuntur, quo firma semper atque stabilia permaneant, Apostolici muniminis praesidio roboremus.

§. 1. Exponi siquidem Nobis nuper fecit dilectus Filius modernus Procurator Generalis Congregationis Hispaniae Fratrum Discalceato-

rum Ordinis Sanctissimae Trinitatis Redemptionis Captivorum, quod alias postquam fel. rec. Benedictus Papa XIII. Praedecessor Noster per quasdam suas in simili forma Brevis die 4. Augusti 1727. expeditas literas, quaedam Decreta Diffinitorii Generalis ejusdem Congregationis pro salubri Provinciae Sancti Joachimi, non ita pridem in Regno Poloniae instituta, potissimum edita approbaverat, ac per alias suas in pari forma Brevis literas die 26. Februarii 1728. postmodum emanatas Capitulo Generali Congregationis praefatae tunc proxime celebrando, ac deinde eidem Diffinitorio Generali facultatem concesserat novas condendi leges seu constitutiones ad uniforme gubernium, in omnibus ipsis Congregationis Provinciae, tam eatenus intra & extra Hispaniarum Regna & dominio erectis, quam ubicumque imposterum erigendis, stabilendum; necnon ad Capitulum Generalium & Provincialium celebrationem spectantes, habendo tamen praeculis decreta Diffinitorii Generalis pro dicta Provincia Sancti Joachimi, sic, ut praemittitur, edita & approbata, quae nihilominus explicare, extendere, moderari, & ad uniformitatem dicti Gubernii accommodare possent, itaut novae leges seu constitutiones sic condendae ab hac Sancta Sede approbarentur, & alias, prout in binis memorati Benedicti praedecessoris literis, quarum tenores presentibus pro plene & sufficienter expressis, & ad verbum insertis haberi volumus, plenius continetur; Nuperum Capitulum ac successive Diffinitorium generalia praedicta, facultati & literis praefatis inharendo, diversa statuta ac nova Decreta pro uniformi omnium Provinciarum dicti Ordinis regimine ediderunt, & ad hanc Sanctam Sedem transmitti curarunt, ut nostro & ejusdem Sedis patrocinio munitur.

§. 2. Nos vero eadem statuta & nova decreta Venerabilibus Fratribus Nostri Sanctae Romanae Ecclesiae Cardinalibus negotiis & consultationibus Episcoporum & Regularium praepositis discutienda commisimus, qui audita desuper dilecti filii nostri Ludovici ejusdem Sanctae Romanae Ecclesiae Presbyteri Cardinalis Bellugae & Muncada nuncupati, ad ejusmodi negotium examinandum a dictis Cardinalibus deputati, relatione, illa per eundem Ludovicum Cardinalem corrigi, ac modificari mandarunt, prout re ipsa ab ipso Ludovico Cardinale correctae, modificatae, ac in unum volumen redactae fuerunt tenoris, qui sequitur videlicet.

*Statuta ac Decreta a Capitulo generali, ac generali Diffinitorio Ordinis Discalceatorum Sanctissimae Trinitatis Redemptionis Captivorum stabilita ac ordinata pro uniformi gubernio omnium Provinciarum tam haecenus intra & extra Hispaniarum Regna erectarum, quam ubicumque imposterum erigendarum.*

§. 3. Sanctissimus Dominus Noster fel. rec. Benedictus XIII. per suas literas sub forma Brevis expeditas die 4. Augusti anni 1727. auctoritate Apostolica approbavit & confirmavit omnia & singula decreta, quae Diffinitorium generale Ordinis Discalceatorum Sanctissimae Trinitatis Redemptionis Captivorum Congregationis Hispaniae statuerat pro bono regimine Provinciae Sancti Joachimi auctoritate Apostolica in Regno Poloniae erectae, & per alias literas etiam in forma Brevis expeditas die 26. Februarii anni 1728. Sanctitas Sua benigne indulgit, & amplam facultatem concessit Capitulo generali tunc proxime eodem anno celebrando & post ipsius Capituli

Juxta facultatem Congregationi huic a Benedicto XIII. (de qua superius) concessam.

Edita Decreta pro universi Ordinis Provinciae.

Confirmantur.

Benedict. XIII. pro hujusmodi Decretorum confectione concessionem.



celebrationem Diffinitorio generali tunc futuro & nunc existenti, ad effectum statuendi uniforme gubernium omnium Provinciarum tam hactenus intra & extra Hispaniarum Regna erectarum, quam ubicumque in posterum erigendarum, ac condendi & statuendi novas leges & ordinationes non solum pro dicto uniformi regimine, sed spectantes etiam ad Capitulum generale & provincialium celebrationem, habendo tamen prae oculis praedictas literas pro regimine Provinciae Sancti Joachimi expeditas, quas similiter concessit posse explicari, extendi, moderari, & accommodari ad praedictum regimen uniforme; ideoque praedictum Capitulum generale, proxime praeteritum, & post ipsum subsequens, praesensque Diffinitorium generale, supradictis facultatibus & concessionibus innitendo, sequentia decreta, & ad uniforme omnium Provinciarum Ordinis statuta ordinarunt & statuerunt.

Quod Breve Bened. XIII. pro Provincia S. Joachimi in Polonia extendatur ad reliquas totius Ordinis Provincias.

De tempore celebrandi Capitula Provincialia.

§. 4. Primo, quod praedictum Breve pro bono regimine Provinciae Sancti Joachimi, & in eo gubernium illius Provinciae Sanctissimo Domino Nostro fel. rec. Benedicto XIII. confirmatum, extendatur ad omnes totius Religionis Provincias modo erectas, & imposterum erigendas tenore sequenti, quo Decreta illa explicata, extensa, & accommodata sunt vi facultatis Capitulo & Diffinitorio generali concessae per literas supracitatas, & ultimo expeditas ab eodem Sanctissimo Domino: scilicet quod Capitulum Provinciale in singulis Ordinis Provinciis celebretur de triennio in triennium sabbato, si fieri possit, ante quartam Dominicam post Pascha, itaut in duabus Provinciis, vel in tribus, si creverit numerus Provinciarum cujuscumque familiae, celebretur anno praecedenti ad Capitulum generale; in alia aut aliis Provinciis anno post Capitulum generale, nisi iusta de causa Superior generalis ex familia assumptus aliquod Capitulum anteponat vel postponat, quod facere poterit per tres tantum menses; tunc enim celebrabitur tempore & die designando ab ipso Superiore generali, & semper extra Curias Principum in Domo ad arbitrium praedicti Superioris, consulto tamen Diffinitorio Provinciali, destinanda.

Quod Diffinitores Provinciales jurisdictionem suam exercere possint post confirmationem Apostol. &c.

§. 5. Secundo, quod Diffinitores Provinciales, quos pro efformatione Provinciarum Diffinitorium generale vi praedictarum facultatum elegit, post Capitulum generale proxime praeteritum, quatuor scilicet pro unaquaque Provincia, quique modo nullam jurisdictionem exercent ex defectu confirmationis Apostolicae, immediate post confirmationem praedictae Sedis Diffinitoria celebrare, aliaque sui muneris facere possint.

Quod Vocales a Diffinitorio electi pro unaquaque Provincia vocem activam habeant in Capitulo Provincialibus suarum Provinciarum.

§. 6. Tertio, quod caeteri Vocales similiter electi a Diffinitorio generali juxta praedictam facultatem, ipsique Diffinitores Provinciales vocem activam habeant, & exercere possint in Capitulo Provinciali suae respective Provinciae, & respective in suo Diffinitorio ipsi Diffinitores, si ante primum Capitulum aliquo Diffinitorio competat electio.

De concurrentia Capituli Provincialis cum Generali.

§. 7. Quarto, quod ut futuris temporibus nullum Capitulum Provinciale concurrat ipso die & anno cum Capitulo generali, ad quod concurrere debent Provinciales, omnia Capitula sex Provinciarum, quae prima & immediata erunt, celebrentur a sabbato ante quartam Dominicam post Pascha anni proxime venturi 1731. usque ad Sabbatum quartam Dominicam post Pascha anni immediate sequentis 1732. tempore & diebus intra praedictum annum, designandis a Diffinitorio generali pro commodiore cujuscumque Capituli celebratione.

De tempore celebrandi

§. 8. Quinto, quod sequentia Capitula Pro-

vincialia, quae secunda erunt cujuscumque Provinciae, celebrentur ante & post Capitulum generale modo supradicto, itaut in Provinciis, in quibus haec priora Capitula prius celebrata fuerint, secunda celebrentur Sabbato ante quartam Dominicam post Pascha anni 1735., & in aliis in quibus posterius haec prima celebrata fuerint eodem Sabbato celebrentur anni 1736., sic enim futuris temporibus de triennio in triennium sine concurrentia Capituli generalis celebrabuntur.

1730. quentia Capitula Provincialia post primum Generale.

§. 9. Sexto, quod ad Capitulum Provinciale Superior provincialis per suas literas convocet Gremiales juxta instructionem Superioris generalis, qui per sex menses ante Capitulum tenebitur illi notam facere designationem Domus, temporisque & diei, ut ea omnia denunciet in literis convocatoriis eis, qui concurrere debent & possunt. De his autem convocatoriis idem intelligatur, quod dictum est circa Capitulum generale Ordinis, ut eorum vi Gremiales reputentur vocati. At vero de illis Superior Provincialis certiore faciat Praesidem Capituli illico ac in Domum Capitularem accedat Praeses.

De convocatione Gremialium ad Capitula Provincialia, & Literis convocatoriis.

§. 10. Septimo, quod in quocumque Capitulo Provinciali cujuscumque familiae, scilicet intra & extra Hispaniam, Praeses erit Superior generalis Ordinis, si adfuerit intra illam; si vero extra illam fuerit, Praeses erit, in altera familia Superior generalis illius, sive sit Commissarius sive Vice-Commissarius sit: In propria vero familia Superioris generalis Ordinis, si praedictus Superior generalis fuerit extra illam, Praeses erit ille, quem pro tempore suae absentiae elegerit in Praesidem totius familiae; Si autem ob justas causas, vel quia duo Capitula eodem anno concurrant in Provinciis longe inter se distantibus, Superior generalis, nisi magno labore ad aliquod Capitulum Provinciale concurrere nequeat, tunc & eo casu poterit designare Praesidem pro Capitulo Provinciali, cujus praesidentiam pro se non selegerit; Caeterum semper tenebitur eligere Praesidem ex Provincia, intra quam celebrabitur Capitulum, & nisi instante Diffinitorio Provinciali concurrentibusque omnibus suffragiis praeter unum, designare non poterit, Praesidem ex altera ejusdem familiae Provinciae assumptum.

De Praeside Capituli Provincialis.

§. 11. Octavo, quod in his primis Capitulis Provincialibus praecedentibus Capitulo generale, in quo Ministri generalis electio incidit, cujuscumque Capituli Provincialis Praeses sit Minister generalis, vel Diffinitor generalis filius illius Provinciae, vel quem ipse Minister generalis ex eadem Provincia designet in Praesidem; quod intelligendum est intra & extra Hispaniam, & quatenus contingat fieri divisionem Familiarum in futuris Capitulis generalibus cum confirmatione Sanctae Sedis ad instar illius divisionis, quae habetur in Religione Sancti Francisci, tunc praesidentia vel Praesidis designatio fiet a Commissario generali respectu Provinciarum illius familiae, quam Commissarius generalis gubernabit.

De modo eligendi Praesidem Capitulum Provinciale, quae primum Generale praesiderit.

§. 12. Nono, quod ad Capitulum Provinciale, nisi detenti fuerint infirmitate vel impedimento inevitabili, concurrere debent sub poena privationis vocis activae & passivae in perpetuum Superior Provincialis, Diffinitores Provinciales, duo Ministri socii Redemptor Captivorum, & Procurator Provinciae; itaut si in aliqua familia fuerit aliquis Procurator plurium Provinciarum in alicujus Principis communi Curia, hic suffragium habere debeat in Capitulo suae Provinciae, de qua assumptus fuerit; & in eo casu licet sit alius Procurator particularis ejusdem Provinciae, hic non

De iis qui ad Capitula Provincialia concurrere debent etiam sub poena utriusque vocis.

habear



habeat suffragium, Deinde suffragium habere possunt, quin cogantur adesse Capitulo, qui aliquando fuerint Superiores generales aut Diffinitores generales Ordinis, vel Familia ex ea Provincia assumpti, vel qui fuerint Provinciales illius; demum ad Capitulum, & extra Domum Capitularem sub prædicta poena privationis accedere tenentur duo focii in defectum.

§. 13. Decimo, quod in aula Capitulari & extra illam tempore Capituli sedeant, præcedant & præsideant Capitulares eo modo & forma, quibus dictum est de vocalibus Capituli generalis. Monemus autem Patres Diffinitores generales actuales, ut tempore hujusmodi Capituli extra Domum Capitularem in alio Conventu commorentur, nisi actuali infirmitate impediantur a prædicta Domo Capitulari ad alium Conventum pergere, vel nisi aliquis ipsorum sit Præses Capituli.

§. 14. Undecimo, quod Capitulares solum ingredi poterunt Domum Capitularem feria quinta immediate ante celebrationem Capituli, exceptis illis, qui excipiuntur respectu Capituli generalis, & ademptis focis secundis, qui nisi vocati, accedere non poterunt. Studentes autem, qui examinandi fuerint post electiones, accedere poterunt. De cætero autem circa præambula ante electiones similiter observanda sunt omnia, quæ statuta sunt circa Capitulum generale in Constitutionibus Ordinis; eligibilitatis vero scrutinia pariter fiant, hoc nimirum modo: Eadem feria quinta Præses Capituli omnibus Gremialibus manifestet catalogum, a Diffinitorio provinciali ipsi traditum, omnium Religiosorum, qui intra Provinciam juxta nostras Constitutiones, inspectis graduatione & interstitiis, apti sint, ut ex illis fiat eligibilitatis scrutinium.

§. 15. Duodecimo, quod feria sexta congregentur in aula Capitulari, ut ex aptis juxta catalogum illis creditum a Præside ad officium Provincialis, unusquisque gremialium in schedula una scribat nomina quinque eorum, quos juxta suam conscientiam selegerit inter omnes ad tale munus. Postea omnium schedulæ extrahantur ab urna ut vase destinato, & a Præside duobusque immediate Vocalibus secreta regulentur, itaut selectis illis, qui plures voces habuerint, juxta dicta de hoc scrutinio in Capitulo generali faciendo, eorum nomina scribantur ab uno trium, & facto juxta ibidem dicta scrutinio usque ad numerum quintum eligibilium, eligibiles declarentur & publicentur, ut Gremialibus omnibus constet ipsos eligibiles esse, ut ex illis suo tempore eligant in Provinciam illum, quem omnibus inspectis quisque judicet eligendum.

§. 16. Tertiodecimo, quod post hoc scrutinium fiat secundum ad Diffinitorum Provincialium selectionem; & quia inter Diffinitores nulla inæqualitas est officii, quisque Gremialium in sua schedula nominare debet octo ex aptis ad munus Diffinitoris, & scrutinium fieri debet octo ex illis, qui plures voces habeant, itaut solum nominentur proxime eligibiles in Diffinitores octo ex omnibus aptis, ut ex eis tempore suo eligant Vocales quatuor Diffinitores Provincia. Similiter tertium fiat scrutinium ad Ministrorum selectionem, & ad illud ex aptis, ut dictum est, unusquisque Vocalium in sua schedula scribat talem numerum Religiosorum aptorum, ut in medietate excedat numerum Domorum Provincia, pro quibus eligendi sunt Ministri: Hoc enim more fit inter Carmelitas Excalceatos: & facto scrutinio, regulatissime vocibus modo dicto, seligantur eligibiles in Ministros usque ad ministeriorum duplicatum numerum, ut ex his omnibus Ministri eligi possint,

quia Vocales teneantur eligere in Ministrum alicujus Domus unum ex duobus determinate sumptis, sed valeant eligere, quem maluerint ex contentis in supradicto numero; Denique ad Sociorum omnium selectionem fiat scrutinium, sicuti ad seligibilitatem Diffinitorum.

§. 17. Quartodecimo, quod Præses Capituli manifestet Vocalibus graduationem Domorum a se factam præcise ad eligendos Ministros pro illis ut habetur in Clementinis Constitutionibus Nostri, & statim separantur Capitulares a Diffinitorio, quod solum deputare debet dictos Vocales ad legendas epistolas missas ad Capitulum juxta dicta de Capitulo generali.

§. 18. Quintodecimo, quod sequenti die sabbato, nempe factis omnibus, quæ fieri debent in Capitulo generali, congregentur in aula Capitulari, & facta a Præside exhortatione lingua omnibus communi fiant absolutio, electorum juramentum, electio Secretarii Capituli, Scrutatorum, Secretarii Scrutini, & Pronunciatoris, eadem forma eisdemque factis juramentis, sicut dictum est de Capitulo generali in Constitutionibus Ordinis, & his omnibus finitis ad electiones procedant Vocales.

§. 19. Decimo-sexto, quod ante prandium fiat semper, & sola fiat electio Ministri Provincialis; qua facta, omnes Vocales præter Præsidem & Superiorem Provinciam, cujus officium expirat, pergant processionaliter in Ecclesiam cantantes Hymnum *Te Deum &c.* & ibi ab eo benedictionem accipiant eo modo & forma, quibus juxta nostras Constitutiones Clementinas fit in electione Ministri generalis. Vespere autem congregetur Capitulum, & si Provincialis electus præsens fuerit, sedeat immediate ad Præsidis sinistram; non tamen præsideat aliis Vocalibus, quamvis eos præcedat, nec officium exerceat, usquequo finiatur Capitulum, nec si absens sit, illum Capitulum expectet, sed prosequatur, & fiant electiones quatuor Diffinitorum Provincialium, quorum præcedentia post confirmationem juxta Ordinem electionis regulanda erit.

§. 20. Decimo septimo, quod sequentibus diebus, qui omnes pro celebratione Capituli ad summum erunt novem, fiant electiones Ministrorum Conventualium, secundum graduationem Domorum antea dictam, & post omnium Prælatorum electiones eligantur canonice duo Socii ex Ministris noviter electis, qui ad Capitulum Provinciale futurum concurrere debeant, ut Socii primi. Præterea eligantur alii duo, qui fuerint aliquando Ministri, quamvis in eo Capitulo in Ministros non sint electi, ut ad Capitulum futurum accedant vocati tanquam Socii secundi, quorum primus, deficiente aliquo gremiali, cui concurrere non sit liberum, suffragium habeat pro eo, & secundus suffragium habeat, si deficiat alter, quique ambo in loco proximo extra Domum Capitularem manere debent tempore Capituli, ut præsto sint concurrere, si vocentur; non autem eligi poterit in Socium primum aut secundum, qui in eo Capitulo Socius fuerit, quamvis in eo eligatur in Ministrum.

§. 21. Decimo-octavo, quod in casu, quo post trinum scrutinium adhuc non fuerit electio canonice secuta, tunc omissis scrutiniiis, eo ipso habeatur tanquam legitime electus vi hujus Constitutionis ille, pro quo fuerit major numerus suffragiorum, quam pro alio aut aliis: Si vero pro duobus fuerit æqualis numerus suffragiorum major, quam pro aliis, tunc antiquior in professione reputabitur & habeatur tanquam legitime electus.

§. 22. Decimo-nono, quod si per mor-

De præcedentiis.

Diffinitores Generales tempore Capituli Provincialis extra Domum Capitularem commorari debent.

De tempore quo Capitulares Domum Capitularem ingredi debent.

De modo faciendi scrutinia eligibilitatis.

De modo eligendi Provinciales per Gremiales.

De electione similiter Diffinitorum Provincialium per Gremiales.

De Domorum graduationem ad Ministros eligendos, a Capitulo Præside faciendam & publicandam.

De juramento a Vocalibus præstando.

De præliminaribus ad electionem Provincialis.

De electione Ministrorum Conventualium, Vocalium pro futuro Capitulo generali, &c.



tem, aut aliam quamvis causam Socius aliquis pro suo munere non possit accedere ad Capitulum, tunc Diffinitorium Provinciale tempore apto eligat Socium loco illius.

§. 23. Vigesimo, quod si aliquis Prælati vel particularis Religiosus aliquid animadvertendum vel nota dignum habuerit, id credat Provinciali suo, vel alicui Socio ex primis suæ Provinciæ, ut ipse tradat destinatis a Diffinitorio Provinciali ad legendum epistolas.

§. 24. Vigesimo primo, quod factis canonicæ electionibus fiant omnia, ut habentur in Constitutionibus nostris Clementinis numero 16. fol. 168. usque ad verbum Captivorum; & postea addatur Capitulum Provinciale, quamvis non possit novas Constitutiones statuere, poterit ordinationes facere ad melius regimen suæ Provinciæ, dummodo nihilo sint contrariæ ordinationibus factis a Capitulis generalibus, vel generalibus Diffinitoriis.

§. 25. Vigesimo secundo, quod Ordinationibus factis, extra Aulam Capitularem fiat examen Studentium, qui concurrere debent, ut ex illis eligantur Lectores juxta dicta de Capitulo generali.

§. 26. Vigesimo tertio, quod Capitulum eligat sex Patres ex gravioribus Provinciæ, quorum consilio & assensu Pater Provincialis, quando casus occurrerit, ejiciat ab Ordine aliquem instructo processu, & plene probatis causis expulsiōis, servatisque Decretis Congregationum, & Summorum Pontificum; & præterea eligat ad eundem effectum alios quatuor vel sex Patres subrogando ordine suæ electionis in defectum alicujus vel aliquorum ex sex prius electis.

§. 27. Vigesimo quarto, quod his factis legantur coram toto Capitulo decreta Sacræ Romanæ & generalis Inquisitionis; & Præses Capituli horretur Gremiales ad strictam observantiam illorum.

§. 28. Vigesimo quinto, quod decretis lectis, Præses Capituli imponat præceptum, ut habetur in nostris Constitutionibus Clementinis numero 19. fol. 170., & si aliquod impedimentum inventum fuerit, ad Præsidentem Capituli & Diffinitorium cum suo Provinciali spectet judicium; nullo autem invento, vel si inventum fuerit, iudicio facto, Capitulum albis nigrisque lapillis eligat Redemptorem Captivorum pro sua Provincia, & Procuratorem Provinciæ pro ea: Quod si in aliqua Familia fuerit Curia communis plurimum Provinciarum Ordinis & Provinciæ alternatim elegerint Procuratorem omnium illarum, Provincia illa, cui secundam dictam alternatim competit electio hujusmodi Procuratoris, prius eligat illum in suo Capitulo Provinciali, & postea eligat Procuratorem particularem ejusdem Provinciæ.

§. 29. Vigesimo sexto, quod totum Capitulum confirmet electionem Patris Provincialis; Præsesque, necnon Provincialis, cujus officium expirat; ac Diffinitorium Provinciale confirmet omnes alias electiones.

§. 30. Vigesimo septimo, quod his omnibus expeditis, Socius primus surgat, & coram Capitulo legat Catalogum Religiosorum, qui in illo triennio decesserunt in sua Provincia. Deinde si aliqui Religiosi petierint aliquod sublevamen propter ipsorum fractam valetudinem, aut aliam justam ac rationabilem causam, Capitulum tale sublevamen indulgeat quatuor vel quinque magis indigentibus: Ac demum surgat Secretarius Capituli, & legat electiones omnes, statuta, cæteraque omnia acta & disposita in ipso Capitulo, quæ cuncta & scribenda & subscribenda sunt, sicuti dicitur de Capitulo generali in Constitutionibus nostris num. 20. fol. 71. & statim dissolvatur Capitulum.

§. 31. Vigesimo octavo, quod postea immediate Præses Capituli imponat præceptum omnibus Capitularibus, ut intra 24. horas coram ipso manifestent, quidquid notarunt circa mores, regimen, & observantiam durante triennio in Patre Provinciali præterito; necnon circa regimen, & suorum officiorum executionem in Diffinitoriis Provincialibus antecedentibus (Diffinitorium enim Visitatio circa mores in quacumque Visitatione Provinciæ facta supponitur, quia a Visitatore visitari debent etiam Diffinitores Provinciæ) Visitatione conclusa si aliquid dignum pena vel reprehensione fuerit inventum, Præses ipse, si Superior sit, reos puniat vel reprehendat; Si autem non fuerit Superior, Visitationem mittat Superiori generali familiæ, ut ipse judicet reum aut reos.

§. 32. Vigesimo nono, quod die sequenti ultimoque Capituli Missa solemnis de Requiem pro Religiosis Nostris defunctis & Benefactoribus Nostris, concioque & solemne Responsorium habeatur, qua functione peracta, Capitulares fraterna charitate amplexentur, & in suos Conventus proficiantur.

§. 33. Trigesimo, quod pro hac unica prima vice Capitulum Provinciale cujuscumque Provinciæ possit reeligere & providere in eisdem officiis Diffinitorium Provinciale Sociorumque, prout melius expedire ipsi videatur, illos, qui ex defectu confirmationis Apostolicæ, quamvis electi fuerint, sua officia non exercuerint.

§. 34. Trigesimo primo, quod in casu, quo Minister generalis designet in Præsidentem Capituli Provincialis aliquem ex alio quovis titulo Vocalem, tunc Minister Domus Capitularis habeat votum in Capitulo Provinciali; & si ipse Minister fuerit Socius actualis, suffragium habeat Socius primus in defectum.

§. 35. Trigesimo secundo, quod Diffinitorium Provinciale congregetur immediate post Capitulum Provinciale, & postea de semestri in semestri in Domo, quam designabit de una in aliam Congregationem, quodque congregetur etiam quoties Provinciali benevisum fuerit.

§. 36. Trigesimo tertio, quod Diffinitorium Provinciale consurgere debet ex Patre Provinciali uti Præsidente, & ex quatuor Diffinitoriis Provincialibus, qui omnes decisivum suffragium habebunt, & insimul poterunt admittere renunciationes, eligere Diffinitores novosque Ministros, Redemptores & Procuratores suæ Provinciæ, quotiescumque vacaverint, eorum officia quocumque titulo vacant; poterunt etiam eligere Chronistam Provinciæ: necnon præbere consensum, ut libri typis mandentur, & cum informatione Patris Provincialis concedere juxta nostras Constitutiones Religiosas eas prævias licentias audiendi confessiones mulierum, cum quibus præsentari se debeant ordinariis locorum, ut ab eis approbationem obtineant: & facere ordinationes ad melius esse suæ Provinciæ: aliaque faciendi facultatem exercere, quæ per delegationem Diffinitorii generalis, vel per novas constitutiones ad universale regimen Ordinis spectantes, pertineant ad ipsum.

Præterea ad ipsum pertinet de consensu Superioris generalis feligere studentem Theologiam, ut nominetur & sit collega nostri Collegii Romani.

§. 37. Trigesimo quarto, quod in casu discordia suffragiorum observetur in Diffinitorio, quod stabilitum est pro Capitulo.

§. 38. Trigesimo quinto, quod si Provincialis deficiat, & illius officium quocumque titulo vacet, Diffinitorium Provinciale (Præsidentem designando vel potius designato, pro casu a Superiore generali) & Socii actuales novum

eligant

Facultas Capitulis Provincialibus condendi novas Ordinationes ad regimen suæ Provinciæ.

De examine Studentium ad gradum Lectoris promovendorum.

Sex graves Patres eligendi Provinciali a consilio in causis examinandis.

De electione Redemptoris Captivorum pro unaquaque Provincia; Et Procuratoris Provincialis.

De confirmatione electionum.

De legendo Catalogo Mortuorum.

Levamine valetudinariis præstando.

Ac Capituli Decretis subscribendis.

De examinandis moribus Provincialibus, & Diffinitoriis Provincialibus.

Missa solemnis de Requiem pro Fratribus, ac Benefactoribus dicenda ultimo Capituli die.

Facultas pro hac vice tantum reeligendi Diffinitores, Sociique, quamvis ex defectu confirmationis Apostolicæ officium nondum exercuerint. De suffragio Ministeri Domus Capitularis.

De Congregando super singula semestria Diffinitorio Generali.

De facultatibus Diffinitorii Provincialis.

Facultas quocumque eligendi Provincialis quocumque titulo eo vacante officio.



eligant Superiorem Provinciae, qui Minister Provincialis nominetur, & illius officium solum duret usque ad immediatum Capitulum Provinciale.

§. 39. Trigesimo sexto, quod Diffinitores Provinciales habitent in Conventibus suae Provinciae a Provincialibus designatis; nunquam tamen poterunt esse plures, quam duo in eodem Conventu vel Collegio, nisi per breve tempus; & ubicumque fuerint, sedeant post Ministrum; nisi praesens fuerit Diffinitor generalis, qui eidem Diffinitoribus Provincialibus praesidere debet.

§. 40. Trigesimo septimo, quod si in Conventu non fuerit Minister, fuerit tamen Praeses designatus per Superiorem generalem, vel ejus Diffinitorium; ipse Praeses omnes Diffinitores praecedere debet, sicut Minister; neuter tamen praesidere eidem Diffinitoribus.

§. 41. Trigesimo octavo, quod praedicti Diffinitores Provinciales nunquam se intromittant in regimine Domus, nisi absentibus Ministro, Praeside jam dicto, & Vicario; tunc enim quamvis ibidem sit aliquis Diffinitor generalis, Praesides erunt Domus Diffinitores Provinciales, sed Diffinitorem generalem non praecedent, nec in actibus, quibus ipse adfuerit illi praesidentiam habeant.

§. 42. Trigesimo nono, quod ubicumque fuerint Diffinitores Provinciales, immediate subjiciantur Superiori Provinciae seu Provinciali, non vero praecedant Ministrum Domus, nec Praesidem numero 37. dictum, nisi tempore actualis Diffinitorii Provincialis.

§. 43. Quadragesimo, quod in aliis Domibus, in quibus Provincialis non fuerit, Diffinitores Provinciales licentiam & benedictionem accipiant a Diffinitore generali in eisdem existenti ad exeundum a Domo, & a Patre Ministro Socium petant, non tamen ipsi sed Socii tantum benedictionem accipiant a Ministro, aut a Praeside per Superiorem generalem aut per Diffinitorium generale designato.

§. 44. Quadragesimo primo, quod si Diffinitor generalis non fuerit Domi, ipsi Diffinitores Provinciales petant Patri Ministro licentiam ad exeundum e Domo, ab eodemque Ministro sociam & benedictionem accipiant.

§. 45. Quadragesimo secundo, quod liceat Diffinitoribus Provincialibus sine alicujus etiam Superioris impedimento aut examine scribere, aut recipere Epistolas ad illos missas, & similiter alloqui quascumque personas, dummodo observent Regulam & Constitutiones quoad loca & tempora.

§. 46. Quadragesimo tertio, quod in faciendis Suffragiis pro Religiosis & Superioribus observetur regimen totius Religionis.

§. 47. Quadragesimo quarto, quod ut possint obtinere officia Provinciae, reputentur filii illius omnes in ea professi, & etiam omnes illi, qui ante ejus erectionem intra eandem fundi fuerunt aliquo officio, aut fuerant Conventuales in illa, necnon illi quos Superior generalis incorporaverit, juxta nostras Constitutiones.

§. 48. Quadragesimo quinto, quod cum omnes electiones, quae fieri debent in praedictis Capitulis Provincialibus, antea factae fuerint in Capitulis generalibus, deinceps Capitulum generale nullam ex his electionibus faciat.

§. 49. Quadragesimo sexto, quod cum inter Capitula generalia alia huc usque fuerint intermedia, scilicet post triennium electionis Ministri generalis, & alia hujusmodi Capitula fuerint electiva Ministri generalis, deinceps futuris temporibus univ ersus Ordo, omnesque Provinciae unice congregentur ad Capitulum generale electivum Ministri generalis, quod juxta

nostram regulam celebrari debet de sexennio in sexennium.

§. 50. Quadragesimo septimo, quod in praedicto Capitulo generali simul cum Ministro generali eligantur Diffinitores generales Ordinis de sexennio in sexennium; & quod ut in futuris temporibus id ita fiat, praesentes Diffinitores generales Ordinis, qui in Capitulo generali Ministri generalis electivo electi fuerunt, unus videlicet de qualibet ex sex Ordinis Provinciae, confirmentur & prorogentur usque ad Capitulum generale Ordinis electivum Ministri generalis, sicut Capitulum generale praecedens sibi statuit vi facultatis praedicti Brevis Apostolici ultimo expediti, ultimoque antea expressi.

§. 51. Haec statuta & determinata sunt, quaedam a Capitulo generali, alia vero a Diffinitorio generali post Capitulum, quod per annum integrum in discutiendis, & his determinandis studio quotidiano, omnique meditatione incumbens, hac proponenda Sanctissimo Domino pro tempore, & illorum confirmationem petendam decrevit, ordinando, imo & praecipiendo Procuratori generali pro tempore, ut quamprimum confirmanda procuret. In quorum fidem praesentes fieri iussimus manu nostra, & Secretarii nostri Chirographo subscriptas, sigilloque nostri Diffinitorii impressione munitas in hoc nostro Matritensi Conventu die 27. mensis Maji anno Domini 1730. Fr. Alexander a Conceptione Minister Generalis - Loco ✕ sigilli - De mandato P. N. Ministri Generalis. Fr. Bernardinus a Conceptione Secretarius.

§. 52. Quare praedictus Procurator generalis Nobis humiliter supplicari fecit, ut statuta & decreta hujusmodi Apostolicae confirmationis patrocinio communitate de benignitate Apostolica dignaremur. Nos igitur ipsius Procuratoris generalis votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris & penis a jure vel ab homine quavis occasione vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, de memoratorum Cardinalium, qui rem universam mature per binas vices discussissent, consilio, statuta & decreta praesentia, ac omnia & singula in eis contenta auctoritate Apostolica tenore praesentium confirmamus & approbamus, illisque inviolabilis Apostolicae firmitatis robur adjicimus, ac omnes & singulos juris & facti defectus, si qui desuper quomodolibet intervenerint, supplementis: Salva tamen semper in praemissis auctoritate memoratae Congregationis Cardinalium.

Decernentes ipsas praesentes literas semper firmas, validas & efficaces existere & fore; suoque plenarios & integros effectus sortiri & obtinere, ac illis, ad quos spectat & pro tempore spectabit, in omnibus & per omnia plenissime suffragari, & ab eis respective inviolabiliter observari; Sique in praemissis per quoscumque Judices ordinarios & delegatos etiam Causarum Palatii Apostolici Auditores judicati & diffiniri debere, ac irritum & inane si secus super his a quoquam quavis auctoritate scienter vel ignoranter contigerit attentari.

§. 53. Non obstantibus Constitutionibus & Ordinationibus Apostolicis, ac quatenus opus sit, quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis & literis Apostolicis in con-

Pari modo Diffinitorum Generalium facienda electio.

Confirmatio Statutorum hujusmodi per SS. D.N.

Contrario derogatio.

trarium

De loco Diffinitoribus Provincialibus competent.

Quibus subiecti esse debent.

De suffragiis.

De filiacionibus.

De electionibus in Capitulis Provincialibus factis a generali non reiterandis. De Capitulo generali Ministri generalis electivo quolibet sexennio faciend.



Fides Transumptorum.

trarium præmissorum quomodolibet concessis, confirmatis & innovatis. Quibus omnibus & singulis illorum tenores præsentibus pro plene & sufficienter expressis, ac de verbo ad verbum insertis habentes, illis alias in suo robore permansuris, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

§. 54. Volumus autem, ut eorundem præsentium literarum transumptis seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fidem in judicio quam extra illud habeatur, quæ ipsis præsentibus haberetur, si forent exhibitæ vel ostensæ.

Datum Romæ apud Sanctam Mariam Majorem sub Annulo Piscatoris die 11. Septembris 1730. Pontificatus Nostri Anno Primo.

F. Card. Oliverius.

transmarinas & ultramarinas Provincias incolit, invistque, noluisse nec intendisse derogare declaramus.

§. 3. Mandantes propterea dilecto filio moderno & pro tempore existenti Ministro Provinciali, aliisque Officialibus & Fratribus dicte Provincie Romanæ quomodolibet nuncupatis, nunc & pro tempore existen. in virtute Sanctæ Obedientie, ac sub suspensionis & irregularitatis, depositionisque ab eorum officiis & muneribus, perpetuæque privationis vocis activæ & passivæ ipso facto incurten., aliisque arbitrio dilecti filii nostri Antonii videlicet Sancti Petri ad Vincula Presbyteri Cardinalis Sancti Onuphrii nuncupati, nostri secundum carnem fratris germani, moderni, & pro tempore existentis Ordinis prædicti apud Nos & Sedem Apostolicam Protectoris panis, ut Ministrum Generalem ac Procuratorem Generalem, dum vices ipsius Ministri Generalis sustinet, estque Commissarius generalis prælatorum, in suos Superiores recipiant & agnoscant, eorumque salubria monita & jussa suscipiant humiliter, & efficaciter adimplere procurent.

Provincia, Officialibus, ac singulis Fratribus ejusdem Provincie subjectionem hujusmodi præcipit sub pena privationis utriusque vocis &c.

X.

Confirmatio Brevis Urbani VIII. super subjectione Provincie Romanæ Ordinis Min. S. Francisci Cappuccinorum nuncupatorum pro tempore existentibus Ministro Generali, & in ejus absentia Procuratori & Commissario generali ejusdem Ordinis.

§. 4. Non obstantibus, quatenus opus sit, prædictis nostris literis, ac quibusvis Constitutionibus & Ordinationibus Apostolicis, necnon Ordinis & Provincie hujusmodi, etiam juramento, confirmatione Apostolica vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, eidem Ordini & Provincie, ac Ministro Provinciali, aliisque Fratribus prædictis, & quibusvis aliis sub quibuscumque tenoribus & formis, ac cum quibusvis etiam derogatoriis derogatoriis, aliisque efficacioribus, efficacissimis & insolitis clausulis, irritantibusque, & aliis decretis, etiam Motu proprio & ex certa scientia & de Apostolica potestate plenitudine, in genere vel in specie, ac alias in contrarium præmissorum quomodolibet concessis, confirmatis, & innovatis, Quibus omnibus & singulis, etiam si pro illorum sufficienti derogatione de illis eorumque totis tenoribus specialis, specifica, expressa & individua ac de verbo ad verbum, non autem per clausulas generales idem importantes, mentio facienda esset, aut aliqua alia exquisita forma ad hoc servanda foret, illorum omnium tenores præsentibus pro plene & sufficienter expressis habentes, illis alias in suo robore permansuris, ad præmissorum effectum specialiter & expresse derogamus, cæterisque contrariis quibuscumque. Datum Romæ apud Sanctam Mariam Majorem sub annulo Piscatoris die 13. Maji 1639. Pontificatus nostri anno decimo sexto. M. A. Maraldus.

Obstantium derogatio.

CLEMENS PAPA XII.

Ad futuram rei memoriam.

Dat. die 10. Octobris 1730. P. An. I.

UDUM a se. re. Urbano PP. VIII. prædecessore Nostro ad favorem tunc existentium Ministri Generalis, & Procuratoris, ac Commissarii Generalis Ordinis Fratrum Minorum Sancti Francisci Cappuccinorum nuncupatorum emanarunt literæ in simili forma Brevis, tenoris, qui sequitur videlicet.

Dat. die 11. Maji An. Domini 1639. Pontif. Urbani XVI.

Breve Urbani VIII. Exordium.

§. 1. URBANUS PP. VIII. Ad perpetuam rei memoriam. Injuncti Nobis a Domino Apostolici muneris ratio postulat, ut Religiosorum viro- rum, qui spretis hujus sæculi vanitatibus divini Numinis obsequiis sub suavi Religionis jugo, & strictioris observantiæ regulis se manciparunt, paternam curam gerentes, in his ejusdem muneris partes sedulo intendamus, per quæ prospero felicitique eorum statui & directioni opportune consulatur, prout in Domino conspicimus salubriter expedire.

Procuratoris Generalis pro hujusmodi concessionis confirmatione preces.

Provinciam Romanam Ministro Generali, eoque absente Procuratori Generali subijcit.

§. 2. Hinc est, quod Nos quoque difficultates, quæ, ut accepimus, Ordini Fratrum Minorum Sancti Francisci Cappuccinorum nuncupatorum aliquid molestiæ adferunt, e medio tollantur, quantum cum Domino possumus, providere volentes, Ministrum Provinciale Provincie Romanæ dicte Ordinis, ipsamque Provinciam cum omnibus & singulis ejus Domibus, locisque Regularibus, & Conventibus, dilectis filiis modernis & pro tempore existentibus Ministro Generali, & Procuratori Generali ejusdem Ordinis, dum hic vices ipsius Ministri Generalis sustinet, Commissariusque Generalis appellatur & est, iis legibus eoque modo, quo cætera Provincie cæterique Ministri Provinciales Ordinis hujusmodi juxta ejus Constitutiones Apostolica autoritate confirmatas subiectæ & subiecti sunt, Apostolica autoritate tenore præsentium subijcimus, ac præsentibus nostris literis alias a nobis die 16. Martii anno 1626. emanatas minime obstat, nosque per secundo dictas literas autoritate Commissarii generalis dicte Ordinis, cui Minister Provincialis Romanæ Provincie prædictæ, ipsaque Provincia more cæterarum Provinciarum, cæterorumque Ordinum parere debent, eo maxime tempore, quo dictus Minister generalis

§. 5. Cum autem, sicut modernus Procurator & Commissarius Generalis dicte Ordinis Nobis nuper exponi fecit, ipse ad tollenda quæcumque impedimenta & dubia, quæ super præmissis oriri possent, præmissa, quo firmius subsistant & serventur exactius, Apostolicæ confirmationis nostræ patrocinio communiti summo- pere desideret, Nobis propterea humiliter supplicari fecit, ut in præmissis opportune providere, & ut infra, indulgere de benignitate Apostolica dignaremur.

Quæ eidem a SS. D. N. benigne indulgetur.

Declaratio super hoc capite Litera.

§. 6. Nos igitur ipsius Procuratoris & Commissarii Generalis votis hac in re, quantum cum Domino possumus, favorabiliter annuere volentes, eumque a quibusvis excommunicationis, suspensionis & interdicti, aliisque Ecclesiasticis sententiis, censuris, & panis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes & absolutum fore censentes, hujusmodi supplicationibus inclinati, præsertim Urbani prædecessoris literas cum omni-

